

萊蕪縣志序

縣志一書非掌故之書也為資一邑之治而作也蓋古者親民之官既因時以為治矣而又必稽之已往之蹟凡一邑之沿革戶口之多寡風俗之美惡閭閻之疾苦政教之良楛人物之盛衰靡不研求攷證而得其要領然後施之於政無拘滯偏頗之弊古昔治化之隆蓋由於此顧此已往之蹟近或至數百年遠或至數千年懸隔時日散漫無紀非薈萃成帙何以為資治之用故自宋而後郡縣之志接踵而興而一二文人學士亦或編輯成書藏之於家以備官修之闕是豈自矜掌故之學哉蓋欲有資於治而已矣萊蕪縣志始於葉學亭氏失修已二三十年予自去歲承乏此邑搜

萊蕪縣志

卷首

序

濟南啓明印刷社承印

求其書渺不可得竊怪官既失修而一二文人學士亦不聞有廣續而成之者良可深惜已而邑人王君墨卿告予舊志散佚久矣渠外叔祖張雪安先生及渠尊人輯有成書今將付印知予之留心於是也因祈一言以為序予謂萊志之有無其有關於萊邑者豈掌故之謂乎官不暇為而邑人自為之亦可謂識資治之要矣予不敏倘欲因已往之蹟研攷證得其要領以免拘滯偏頗之弊簡端之言其曷敢以不文辭因粗舉夫縣志所以資治者而為萊人告焉若僅視此為掌故之書則非予之所敢知矣壬戌夏署萊蕪縣知事瀟縣王肇杰序

萊蕪縣志序

周官外史掌方志是史與志合扶風易書為志則史與志分然志聞史裁則俚夾深以為難至區為邑志則更有難且重焉者蓋邑志非徒備掌故已也舉凡地域山川戶口賦入學校典禮習尚人才展玩瀏覽無不犁然在目古所詔地事觀事胥賦此為根據合而為省志一統志亦眡此為導源即新政之改良發展亦以此為把握政教所關豈不急之務哉朱子守南康下車即徵郡志者此物此志也第輯志之難首虞文獻不備次虞開報不公而關鍵總在於文獻昔陸清獻宰靈壽時奉部檄徵志書急當時民獻凋謝遺文墜地將伯四顧著手無從穆然徒見渾沱流大行時而已幸

萊蕪縣志

卷首

序

濟南啓明印刷社承印

有傅氏維樞閱舊志之就湮悲來者之無藉網羅方聞彙輯成編藏於家塾清獻蒐求付梓便如披荆榛而獲完璧真定三十二縣而靈壽不至獨歎夫陸沈文獻所繫不綦重歟吾萊志書創於萊明府值前清景運熙洽之會亦吾邑人文鼎盛之期二百年來甲門盛德浩如烟雲之過目且舊志散軼棗梨漫漶累紙讐對往往不能卒業徒令人廢書浩歎而已尤可悲者問冠山幾如靈鷲能飛詢祝其則如耶那善徒夾谷為聖蹟所留究依何山何水止羸傳子輿芳躅係何落何村經傳所載尙未見地著能詳况地俗質文盛衰之故人事變遷得失之由而欲索南董於局外逝水更誰問哉馬郡陽所謂雖聖人不能為臆說者也族弟雪安蚤歲即

有見於此業帖括而志未逮也甲午歲邑侯周公倡議修舉委雪安執牛耳乃功未半而格於事嗣後雪安觀政臺崎嶇淪鼎之會義不及鄉井者十餘年民國以來杜門謝客討論古今斟酌名例蓋無日者不以博採參訂爲事丙辰張公蒞茲土與雪安函面交商決議修舉乃未開辦而又格於事愚於雪安誼如蘇長公言兄弟而友生者也乃函告之曰文章憎命吾輩素有達觀生茲土無負茲土亦惟踵靈壽故事以待稔書其人可也問一歲而書成分門十爲卷二十有二舊志蓋嘗是正俾慨於信今新志務希精覈倍懷於傳後雖合否史裁不敢妄議然於地事觀事之詔及省志一統志之修夫固有實錄在焉覽者援靈壽傅氏之孤詣而因

萊蕪縣志

卷首

序

二

濟南啓明印刷社承印

識夫今日作者之苦心則是書雖千古可也若謂一邦之文獻在是諒非作者之所及知矣已未春同人懇懇勸付手民故於現世體例未暇續究留以俟後之君子已未三月張餘九序

萊蕪縣志序

縣志一書一縣之地理歷史也山川道里風俗物產文化政治德行道藝言論事功畢具於是邑人生於斯長於斯處千載而下而默接千載以上之精神伏斗室之中而備悉數百餘里之情狀凡所以居今稽古食舊服先式典型之尙存而維世道人心於不敝者悉於是乎賴自帖括廢而學科興童子畧通文義卽授之東西歷史中外地理以擴其見聞廣其知識稍長復選擇聰穎者使之遊學各國以宏其造就國家作養人才之方至矣備矣然往往有史書讀萬國足跡遍五洲高談闊論自矜淹雅及叩其里居之形勝故土之沿革與邑先達之嘉言懿行流風餘韻乃竟瞠目咋舌

萊蕪縣志

卷首

序

一

濟南啓明印刷社承印

赧赧然不能置一辭使之執筆爲鄉區圖南轅北轍錯謬叢出厭小而務大忽近而圖遠數典忘祖貽識者譏今之時髦大率類是揆厥所由雖因所學之本末後先不無倒置要亦邑乘缺乏不能校置一編以供後生小子之流覽故空疎之弊至於此極也然則縣志一書其關係顧不重哉吾萊志書失修已二百餘載光緒甲午之歲邑令周慕僑邑紳呂蔽卿等倡議重修推張雪安先生主總纂之任書未成而中寢而先生旋供職僕曹其事遂聞民國成立先生挂冠歸里於是檢點舊稿正其謬誤補其缺畧博訪周諮旁徵遠引用書有百餘種之多歷時至六七年之久稿五六易而書以成以無力付梓與余分鈔成帙藏諸篋笥以供後來修志者

之採擇小兒化滿恐其久而散佚也鳩合同志六七人捐薪付石

以廣其傳議既成洩余為文以序之余素不文即強之為文亦不

足為邑乘光顧念先生之潛心於是書也若是同志諸君復能成

先生之美也若是余不敏得與先生商榷其格式訂正其謬訛編

輯校閱克効綿薄亦不無土壤細流之一助焉君子之道譬如行

遠必自邇譬如登高必自卑是書所載雖不出乎一邑之掌故然

使後生小子得因是而識率由資感發恭敬桑梓矩矱先民則盛

德大業將於是在乎基之人材盛而教化興而人心之醇風俗之厚

抑又可知焉此作是書者之微意也是書之宜修盡人皆知而此

作書者之微意恐未必盡人而能知之也余雖不文何敢避譏陋

萊蕪縣志 卷首 序

二 濟南啓明印刷社承印

之譏而不以此意昭示來茲致有負作者之苦心耶是用揭其顛

末以弁諸簡端至文字之工拙誠有所不暇計也已未上元邑人

王希曾序

萊蕪縣志序

萊志失修二百餘年舊志散佚文獻無徵有志之士輒用為深憾

光緒甲午邑侯周慕僑及邑前輩呂黻卿提倡重修邑人樂於觀

成極力採訪惜未及數月而罷予憫一邑之掌故久而遂湮因於

暇日搜集故事考其山川道里創為志稿將鈔存於家以俟後之

修志之人如所云資料也者未及蒞事而予北上自是十餘年未

邊過問辛亥歸田家居無事檢視舊稿頗有散亡於是重加綴輯

補其闕略正其謬誤適畢君秀軒王君景沂各以圖說相餉因邀

景沂同訂稿凡四易歷三四寒暑引用書至百餘種而後克成蓋

承舊志散佚之後又重以二百餘年之事蹟不敢掉以輕心故也

萊蕪縣志 卷首 序

一 濟南啓明印刷社承印

書成將以付梓而或者以縣志官書也不宜於私修且是書之行

非今所急為疑予惟今日之所急孰有大於正人心維風俗者乎

而今日人心風俗之壞實由於奇袤之士倡為文明進化之說俾

人人絕其舊日之觀念以放縱自恣而無以發其固有之良起於

一二人禍遂中於天下吾邑雖偏僻然風會所趨其隨波逐流蔑

棄其先正典型而不知自返者亦往往而是誠使讀是書者攷羸

牟之故邑而思舊德之名氏辨淄汶之沃原而思先疇之吠畝孔

孟轍迹所經穆然而動其景行之念范韓循聲所被舉然而發其

沒世之懷以及吳夫子之教澤不存譚居士之家法誰繼俯仰今

昔慨歎流連則孝弟忠信之心必有油然而生者然則吾萊人心

風俗之轉移將於書之行卜之今必欲倡文明進化之說以蔑棄其先型則是書誠非所急若猶以人心風俗爲事則所急孰有大於是者乎而又何疑焉至志乘之成於私修者在昔不可殫述如康對山之武功縣志韓五泉之朝邑縣志其書皆盛行於世而其義例之精嚴條理之周密反有遠過於官修者且鄉者予固云將以俟後之修志之人如所云資料也者非敢以是爲官書也梓而行之誰曰不宜戊午十二月朔邑人張梅亭序

萊蕪縣志

卷首

序

二

濟南啓明印刷社承印

萊蕪縣志序

邑志編纂既成或問於予曰縣志史屬也史之修設局置官用纂修若干人校錄若干人經年累世而後成書故其書足以信今傳後今縣志成於一二人之手不修於官而修於野得無貽野史之誚乎予應之曰是固然然野史之所以取譏者有三攷據不精也體例不嚴也褒貶不公也反是則何譏之有是書雖不敢比於古之作者然折中於經徵實於史取材於應用諸書不得謂全無攷據也有地理而後有建置有官師而後有政教有學校而後有選舉藝文人物其次序井然志表不戾乎史漢門類取法乎三通其義法犁然不得謂全無體例也縣志有褒無貶今人物志一本於舊志府志通志於褒之中又加慎焉不得謂任意褒貶也夫志修於官固善矣然若韓之志朝邑康之志武功張之志濟陽非成於一二人之手乎成於一二人者爲野史則馬班范陳歐陽之書皆野史矣昔范石湖修吳郡志人曾詆爲僞書今子之譏亦何損於是書哉問者唯唯而退時小兒其釗方校錄志稿因命錄之以弁諸簡端辛酉十月邑人張式儒序

萊蕪縣志

卷首

序

一

濟南啓明印刷社承印

萊蕪縣志

例言

一萊志始於宋尉鍾離脩其書不傳其撰於明嘉靖中陳邑侯甘
兩者為舊志今所傳殘闕之本則康熙十一年葉邑侯學亭氏
所續修者也鍾離書既不可見葉書所存者僅寥寥數十頁而
已是編編摩於墜緒茫茫之際采輯綴拾不留餘力時閱廿年
之遙稿凡數易而定雖曰相因實創舉也

一編以葉書為藍本而加以考訂自康熙以來則取材於通志
府志家譜碑誌詩文專集及所目視耳聞者原志十卷茲增為
二十二卷非求多於前人也承二百餘年失修之後不敢刻意

萊蕪縣志

卷首

例言

濟南啓明印刷社承印

求簡以蹈事增文簡之陋說耳

一志地以圖為要然非深明夫製圖之法則圖必不精非親歷其
地詳察夫山之脈落水之源流道里之遠近村鎮之方所則雖
精必不確此自古與圖所以少善本也近來繪圖之法日益發
明不患其不精所慮者未必確耳是編之圖見聞既審而計里
畫方迂直方邪高下又能略仿裴氏六法精確雖不敢言而尙
不至貽南轅北轍之譏

一原志缺略舛訛殊多大者如汶水經支混淆源流歧誤呼牟為
涪味青兗之殊源援北及柴忘泰新之異壤舊萊蕪城不知在
今博山舊博城不知非城子縣雖云相沿之有誤實屬攷訂之

未確是編地理以水經注為主而雜引他書以資辨證一洗從
前襲謬沿訛之弊惟恐採摭未備抵牾仍所不免後之修志之
君子匡其不逮可也

一藝文有志肇自班氏但載書目不錄文字是編一遵班例

一人物志中各門類悉遵通志其邑中人物原入通志各門類者

一仍其舊

一斷代為書史家通例是編止於宣統三年壬子以後姑付闕如

識者諒之

一邑志倡修始於光緒甲午其時周慕儔邑侯為監修呂黻卿先
生為提調與編校之役者有王君書玉張君丹臣魏君子明王

萊蕪縣志

卷首

例言

濟南啓明印刷社承印

君少舫王君孟止等採訪有盧君棟臣景君宗藩等書雖未成
而諸君提倡之功不可沒也昔王濟之姑蘇之志發端於吳寬
張習都穆吾於是書亦云

邑人張梅亭識

萊蕪縣志編校姓氏

編輯

張梅亭雪安

王希曾景沂

校閱

鄭錫民牧之

張惠芬柳橋

張其釗勉齋

王化濡墨卿

畢明先曜東

萊蕪縣志

張凌雲柯丞

繕寫

趙樹聲金甫

張述曾伯言

張緒曾洪基

濟南啓明印刷社承印

萊蕪縣志目錄

卷首 序 例言 編校姓氏 圖攷

卷一 地理志 沿革 疆域

卷二 地理志 山

卷三 地理志 汶泗二水 泉源

卷四 地理志 古蹟

卷五 地理志 名勝

卷六 地理志 編里

卷七 地理志 風俗 物產

卷八 建置志 城 署 縣 祠壇 介廟 橋梁

萊蕪縣志 卷首 目錄

濟南啓明印刷社承印

卷九 官師志

卷十 官師表

卷十一 田賦志 戶口 田制 賦役 征徭

卷十二 學校志

卷十三 選舉表 進士 舉人 武舉人 貢生



卷十四 選舉表 文化 武仕



卷十五 藝文志


卷十六 金石志

卷十七 人物志 名臣 循吏

卷十八 人物志 儒林 文苑







萊蕪縣志卷之一

地理志

鄭夾深曰州縣之設有時而更而山川之秀千古不易故同一萊蕪也昔之萊蕪治原山之陰今之萊蕪治原山之陽矣昔之萊蕪治淄水之流域今之萊蕪治汶水之流域矣然而萊蕪可移而原山汶淄則必不可移也蓋萊之山以千百計必統於原山萊之水以數十計必統於汶水知原山之所在而凡原山之南之北之東之西無不可以原山知之知汶水之所在而凡汶水之左之右無不可以汶水知之而萊之建置若牟若蕪若平州若萊蕪或析或合或省亦將若屈指而數庭樹矣不此之求而欲治吾邑之地理

萊蕪縣志

卷一

地理志 沿革 一

濟南府明印剛社承印

譬猶挈衣而遺其領舉綱而棄其綱未有不舛歧百出者也茲特以山水為經以沿革疆域古蹟名勝編里風俗物產為緯各門類所不可知者以山水知之山水所不可知者以圖攷證之述地理志

沿革

周齊羸邑平州邑又牟國

春秋桓公三年公會齊侯於羸杜注齊邑今泰山羸縣

又宣公九年公會齊侯於平州杜注齊地在泰山牟縣西漢書

高惠高后文功臣侯表有平州侯昭涉掉尾元狩五年免景武

昭宣元成功臣侯表有平州侯王啖下有梁父字蓋昭涉掉尾

免後又封王啖漢為梁父縣地晉屬牟縣也魏志牟縣有平州

城周書史記篇穆王召左史戎夫取蓬成之要戎以下所言國名有平州或即此平州也備攷

又桓公十五年邾人牟人莒人來朝杜注牟國今泰山牟縣

漢兗州泰山郡嬴縣牟縣及萊蕪縣地梁父縣地後漢因之後漢

末分泰山置嬴郡旋廢魏晉因之晉牟縣或作東牟

嬴縣故城在縣西北四十里今城子縣括地志嬴縣故城在博

城縣東北百許里此城在原山西南汶水北與水經注合西南

去博城里數相符引水經注及博城均詳古蹟為嬴故城無疑唐初屬博城括地志云然

牟縣故城在縣東二十里

縣北抵原山有萊蕪地漢萊蕪故城雖在今博山城子莊而原山東西一帶亦故萊蕪地也水經注汶

萊蕪縣志 卷一 地理志 沿革 二

水出萊蕪縣原山原山正在今萊蕪

平州漢梁父地晉雖屬牟縣西境仍有梁父地

補三國志嬴縣下蜀志糜竺傳為嬴郡太守注載魏武表云秦

山郡界曠遠權時之宜可分五縣為嬴郡縣外餘四蓋後旋

廢也

據杜預說見前晉牟縣並未改名東牟也宋魏志皆無晉改名東

牟之說况牟國本在此齊遷之今福山及濰海州地遂稱東牟

無改牟為東牟之理攷東牟縣後漢廢晉曾置東牟郡或亦曾

復置東牟縣晉志不載置東牟郡而此縣書東牟疑有誤乃補

三國志此縣改書東牟縱晉果改似不可以例魏

劉宋兗州泰山郡嬴縣牟縣後魏因之

劉宋省萊蕪縣其地析入嬴牟貝邱三縣

後魏嬴縣故城在縣東北八十里今文字縣詳古蹟

高齊兗州東平郡嬴縣省牟縣入博城縣周因之

隋兗州嬴縣開皇十六年析博城置牟城縣大業初省入嬴縣

唐河南道兗州萊蕪縣貞觀元年省嬴縣入博城長安四年於後

魏嬴縣城復置萊蕪縣元和十七年省入乾封太和五年復五代

因之周顯德元年以萊蕪監置廣利軍六年仍為監

新唐志萊蕪下本隸淄州武德六年省入博城案舊唐志元和

志並稱貞觀初省嬴入博城長安四年又於廢嬴縣置萊蕪縣

萊蕪縣志 卷一 地理志 沿革 三

萊蕪自劉宋省迄隋未復新唐志乾封下亦稱貞觀元年廢嬴

入博城此蓋因萊蕪故城隋唐以來隸淄川而誤通志稱武德

四年省嬴入博城調停兩說而無的據反於兩說皆不合矣

萊蕪監故城即今縣治詳古蹟

宋京東西路襲慶府萊蕪縣

金山東西路泰安州萊蕪縣

一統志金廢萊蕪監縣徙今治當在此時然攷元至元十七年

王天挺宣聖廟碑云縣治經廢已久復立者僅十餘稔民居官

寺一切草創又云謁文宣廟故址於荆榛瓦礫之間一似金以

前萊蕪曾徙治於此而又轉徙於他處者不然何以云復立耶

又攷舊志學宮建自宋崇寧間金大定十年元至元十七年均重修地非縣治學何由建既云重修則今之學即宋之故址也

疑不能明姑存此說以俟攷或監本有文宜

元直隸都省山東泰安州萊蕪縣

明山東布政司濟南府泰安州萊蕪縣洪武二年直隸濟南府二年仍屬州

清山東布政司泰安府萊蕪縣初因明舊雍正十二年屬泰安直隸州十三年州升府仍舊屬

雍正十三年新置博山縣割萊蕪東北七村隸之七村者桃花

泉莊崔家莊牛角莊胡老公莊閻家峪莊樂疇莊樵嶺前莊

萊蕪縣志

卷一

地理志 沿革 四

濟南府明印副社承印

疆域

東至蒙陰縣界六十里西至泰安縣界六十里南至新泰縣界二

十里北至章邱縣界九十里東南至蒙陰縣界五十里東北至博

山縣界九十里西北至泰安歷城縣界七十里西南至新泰縣界

四十里東西廣一百二十里南北袤一百三十里北至京一千二

百里至省城三百里縣城直東經一度三十分北緯三十六度十

六分二十秒

萊蕪縣志卷之一終

萊蕪縣志卷之二

地理志

山

環萊皆泰山也而各異其名其北為長城東為原山南為新甫綿互數百里而東北之青石關天梯石棧稱門戶焉攷萊山之見於經者新甫外無聞左氏言萊柞二山後人謂在萊境而杜預謂艾山在牟縣東則艾亦萊山也惟水經注及他書言汶水者必稱原山其汶水所發源之他山則不備載蓋萊之山無慮數百皆發脈於原山也

山脈自東來迤邐而至邑之東北境層巒疊嶂蟠迴百里者原山

萊蕪縣志

卷二

地理志 山 一

濟南府明印副社承印

也由原山西迤磅礴於全縣分南北兩大支中間兩小支北一支出汶經流之北循博山章邱萊蕪界而西為長城嶺山又西抵泰安至泰山主峰而止長城嶺之南連峰相望直逼汶水之涯其著名者曰馬鞍山曰方舟山曰大舟山曰羊邱山曰肅然山曰照壁山曰香山皆北一支之山系也南一支循萊蕪蒙陰之界南迤為碁山折而西為黃羊山迤出牟汶之南為胡廬山再西循萊蕪新泰之界為新甫山又西入泰安界至徂徠山而止新甫北之著名者曰花雨山曰九嶺山曰鳳凰山曰仙人山曰大石山曰筆架山曰龜寨山皆與新甫連麓而異名者也此南一支之山系也中二小支之北一支循汶經流之南而西其著名者曰苗山曰勺山

曰狂山曰孤堆山曰金牛山再西則山盡而為長埠嶺矣中二小支之南一支循牟汶之北而西其著名者曰夾嶺山曰冠山曰大屋山曰陰涼山曰土泥山稍南至嶺山而止此中間二小支之山脈也北一支汶經流所出也南一支牟汶所出也中二小支午子峪楊家橫響水灣之支流所出也

原山 在縣東北七十里東界博山北界淄川章邱魯秀出羣山之上主峰俗名禹王山在史家崖之東風門道之南自主峰而外北起長城東至青石關外西至楊家橫南至文子嶺盤回百里皆原山也溜水出其陰汶水出其陽一名馬耳山

趙秋谷原山攷曰鎮城西十餘里有大山橫互一方之望也魯萊蕪縣志 卷二 地理志 山 二 濟南府明印副社承印

拔雄秀俯視岡巒無敢抗者北下轉西六十里為長白山形勢僅相當耳而彼稱副嶽茲山獨不顯里俗呼為禹王山予嘗笑其不經今博攷而細按之蓋原山也孔安國尚書禹貢注云溜汶二水並出泰山郡萊蕪縣水經注同而語尤詳明謂溜水出萊蕪縣西南原山下按萊蕪故城在今博山界世謂之原泉今原泉為溜水

西岸之村去溜水之源尚五十餘里蓋溜流至是而始大也前後漢晉書並於泰山郡萊蕪縣下注有原山淮南子云溜水出

飴山飴山原山之別名也魏書泰山郡下無萊蕪有麻縣其山名馬耳山亦謂原山之別名意萊蕪自西漢以來至是始廢縣而山名亦遂隱矣括地志則云淄州淄川縣東北有原山溜水

所出麻縣即今之萊蕪縣也淄川即今之淄川縣也淄州蓋其時分泰山郡之地而設唐宋皆不改唐杜佑通典載溜水於般陽縣下而無山金史宋史並無山可謂漏略矣元初地入青州益都路故于欽齊乘言溜水出岳陽山東麓即古之原山也欽殆未嘗親至其地但因鄭注以原泉為泉河指岳陽為原山而萊蕪縣故址在岳陽山下北去原泉三里耳齊乘不知亦欽之疏也近代青州府志於鎮境山川什不存一原飴馬耳岳陽四山盡付烏有似目中絕未見孔鄭以下齊乘以前之史志者本朝康熙年間里中老書生共為鎮志其學謬與青州志彷彿圖鎮境於城西作高峰揭之曰原山而於諸書無所徵近見萊蕪

萊蕪縣志 卷二 地理志 山 三 濟南府明印副社承印

志於其城北之山亦指為原山竟不知其縣為前代之麻縣也按萊蕪志雖多舛舛而觀之麻縣則詳見於沿革非不知也鄉先達孫文定公為顏山雜記

而於此獨不之攷比歲有湖州胡涓著禹貢推指以水經注為主而出入穿穴於諸書纖毫不遺其言萊蕪舊縣之迹宛然圖畫其言原山延袤青徐之境磅礴四縣中間道路遠近向背其參互諸山雖有別名皆原山也次第無少誤者衡之昔人惟道

元可與雁行孰謂古今人不相及哉予曾以暇日策蹇獨出由青石關至原山之極南有分水嶺其水東流為淄西流為汶此按

至禹王山之名出於荒僧村叟之口不足與辨辨其大者錄節

按原山雖磅礴數縣而其為萊蕪之望則古今無異辭也况主峰在萊汶滄之源在萊則原山之為萊有又何疑乎

石馬山 在縣東北八十里界連博山山陰有洞可避亂

黃谷山 在縣東北七十里界連博山左翼有峰十餘其第七峰有洞名月窟六月忘暑右翼東行十餘里為文字嶺又數里為

八龍臺又北數里為老姑峪溪水環流其下諸峰蒼翠如畫秋

深楓葉可玩

平州頂 在河莊之南萬山合遼頂極寬平有村三皆名平州而

四圍皆連峰障天人蹤罕到世外之桃源也

望鹿山 在河莊北三峰秀削頂有巨石

萊蕪縣志 卷二 地理志 山 四

珍珠山 在望鹿山之西南

按以上五山皆原山諸峰也原山隨地立名不可勝數茲特舉

其最著者餘不備述

長城嶺 在縣北九十里東連博山北界章邱西連泰安歷城名

為嶺實則萬山連綿萊邑北面之屏障也林木鬱茂出榭蘭木

炭栗棗棟梁椽杆香料等物俗名長林又名長春嶺嶺上有古

長城遺迹詳古蹟

馬鞍山 在縣北六十里雪野區雙峰對峙狀如馬鞍

大舟山 在縣西北六十里舊寨區形如大舟山麓有白龍潭水

南流入汶

方舟山 在縣西北五十里形如方舟或云卽方城崗山東南有黑龍潭水南流與白龍潭水合

楊丘山 在縣西北五十里舊寨區

肅然山 在縣西北六十里舊寨區泰山之東麓史記漢元封元

年封泰山禪泰山下址東北肅然山即此

顧亭林山東攷古錄曰史記武帝禪泰山下址東北肅然山注

服虔云肅然在梁父按梁父縣舊在兗州泗水境是泰山之南

與本文東北不合西陽雜俎云長白山古肅然也亦非

按史記帝以乙卯封泰山明日下陰道丙辰禪泰山下址東北

肅然山明日即丙辰也本日下午山本日行禮必當在三五十里

萊蕪縣志 卷二 地理志 山 五

之內不當遠至長白山也魏書崔光傳弟敬友嘗置逆旅於肅

然大路之北設食供行者今泰安州東關往北七十里地名王

許保保在萊蕪城西北四十五里正當泰安東關之東北北字之上當有東字其北有山碑云古宿

巖山恐即肅然山也今土人仍呼此山為宿巖又按光武以二月二十二日

辛卯封泰山夜下山明日百官上壽暮宿奉高三十里明日發

至梁父九十里二十五日甲午禪梁父則謂肅然在梁父者亦

非

按顧氏辨肅然山在王許保良是而駁服注則誤攷春秋宣七

年公會齊侯於平州杜注平州在牟縣西是萊有古平州地無

疑又攷漢書景武昭宣元成功臣表平州侯下注梁父字是平

州國爲漢梁父縣地而梁父之在萊西境又無疑而肅然則正當其地也蓋漢之梁父兼有泰安東境泗水北境萊蕪西境地後人但知梁父在泗水而不知萊蕪亦有梁父地也

照壁山 在縣治西北七十里舊寨區黑龍潭之南山陰一峰如

斧削高數百丈影蔽潭洞之半因名產秋海棠甚佳迤東白龍

潭之南亦有照壁山

香山 在縣西北七十里形如旗西北境山之最高者產香草風

前雨後芳氣襲人

碁山 在縣東五十里舊傳仙人弈於此碁局尙在山西麓有長

春觀爲邱處機隱居處

萊蕪縣志

卷二

地理志

山

六

濟南府明印副社承印

按碁山或云即王質觀碁處故碁山柯爛爲邑八景之一攷王質事載述異記事涉附會且非此地殊不足據爲典要也

黃山 俗名黃羊山在縣治東三十里相傳有黃姓牧羊於此後

仙去山陰有洞深窅莫測外若龜形石皆綠色

胡盧山 在縣治東南四十里形如胡盧故名牟汶出焉水經注

牟汶出牟縣西南阜下

西疑

俗謂之胡盧堆

土人謂之胡盧空

新甫山 在縣治南三十里形如屏太山之左翼也即魯頌所謂

新甫其高亞於泰山一名小泰山又名宮山漢武帝帝求仙建宮

於此得名九峰如蓮花又名蓮花山上有雲衢岫下有毳杖壑

西有水寒溪五雲洞西北有千人洞深遠不可測山北爲萊蕪

山南爲新泰

宋常曾記云武帝易小泰山爲宮山封三峰爲義山義山之北曰黃嶺下有洞極深

孔貞瑄新甫記略云新甫著於魯頌以離宮故更今名九峰如

蓮因號焉山東西有兩侯城遠岡複嶺蜿蜿延遠山環衛勢

如登機北眺九峰攢翠蓮勝半吐如天水蔚藍精華在隱見之

閒及山麓諸勝皆斂不露陟天門忽開異境觀音白衣兩巘萬

嶂插天離奇天矯其腰絡突峰如乳如鼻如膠如臍如龜如麟

如鳳峙如龍蹲皆錦疊繡錯有層次而雲溪風隧中怪砂帶水

枝腳橫生如積牙如噉嗑如錐如戟如梗如椎如虹飲澗如鼠

萊蕪縣志

卷二

地理志

山

七

濟南府明印副社承印

穿穴如柄投鑿如杵入臼皆棘矜跌宕作鈞距閃撲之形蓋其山皆抱胎水知戀源立則有懷去乃不驟所謂直而不倨曲而不僂極窈窕貴矜之勝致矣西北天河水源藏雲根曲沼承之若淨瓶自雲洞人祖廟挂斗巘縹渺天半由懸徑轉上界斷橋深壑隔絕塵緣牽鐵鍊猿跳而過達新甫絕頂峰類鸚嘴百里外望之青空不盡山四週有朝陽洞仙人橋仙人洞老虎窩麻塔口白雲庵春榜溝未子坊三圈懸流諸勝泰山古穆新甫秀麗品其骨相殆具體而微者歟

大石山 在縣治東十三里南冶莊北產鐵及煤

鳳凰山 在縣治南二十里狀如翔鳳故名山頂平闊四圍峻削